

# ACTA APOSTOLICAE SEDIS

## COMMENTARIUM OFFICIALE



### SUMMARIVM

I. *Acta Benedicti Pp. XV*: Allocutio Consistorialis, pag. 33. — II. *S. C. Consistorialis*: Consistorium secretum, pag. 39. — III. *S. C. de disciplina Sacramentorum*: Praesumptae mortis coniugis, pag. 40. — IV. *S. C. Concilii*: Redituum mensae, sede vacante, pag. 45. — V. *S. C. de Propaganda Fide*: Immutatio tituli, pag. 47. — VI. *S. C. Rituum*: Declaratio et extensio privilegii, pag. 48; Molinon. Introductio Causae beatificationis Ludovicae Teresinae de Montaignac de Chauvance, pag. 49. — VII. *S. R. Rota*: Vicariatus apostolici Sueciae, Nullitatis matrimonii, pag. 51; Causae actae sub secreto, pag. 57.

*Diarium Romanae Curiae*: Nomine, pag. 58-64.

### ROMAE

TYPIS POLYGLOTTIS VATICANIS

MDCCCCXV

**Directio:** Palazzo della Cancelleria. — Roma.

**Administratio:** Tipografia Poliglotta Vaticana.  
— Roma.

**Pretium annuae subnotationis.**

Pro Italia. L. 12. — Extra Italiam, L. 15.  
Unius fasciculi, L. 1.

« Bis fore in mense (Commentarium) prodibit, ac quotiescumque vel necessitas vel utilitas id postulare videbitur » (Ex Commentariis Officialis ratione die 29 Octobris 1908 edita).

# INDEX HUIUS FASCICULI

(An. VII, n. 2 - 22 Ianuarii 1915)

## ACTA BENEDICTI PP. XV

### ALLOCUTIO

<i>Convocare vos. - Habita in Consistorio diei</i>	PAG.
22 ianuarii 1915 . . . . .	33
Versio Italica . . . . .	36

## S. CONGR. CONSISTORIALIS

Consistorium secretum. - 22 ianuarii 1915 .	38
---	----

## S. CONGR. DE DISCIPLINA SACRAMENTORUM

Praesumptae mortis coniugis. - 18 dec. 1914	40
---	----

## S. CONGR. CONCILII

Reditum mensae, Sede vacante. - 8 februarii 1913. . . . .	45
---	----

## S. CONGR. DE PROPAGANDA FIDE

<i>Decretum. - Immutatur titulus Vicariatuum Apostolicorum de Victoria Nyanza. - 15 ianuarii 1915 . . . . .</i>	47
---	----

## S. CONGR. RITUUM

I. <i>Romana. - Declarationis et extensionis insignium. - 23 decembris 1914 . . .</i>	PAG.
48	
II. <i>Molinen. - Decretum beatificationis et canonizationis servae Dei Ludovicae Tere-siae de Montaignac de Chauvance, funda-tricis Piae Unionis Oblatarum a sacro Corde Iesu. - 15 decembris 1914 . . .</i>	40

## S. ROMANA ROTA

I. <i>Vicariatus Apostolici Sueciae. - Nullitatis matrimonii (Hoogland-Waern). - 19 au-gusti 1914. . . . .</i>	51
II. <i>Causae actae sub secreto. - 14 ian. 1915</i>	57

## DIARIUM ROMANAE CURIAE

I. <i>Segreteria di Stato. Nomine . . . . .</i>	58
II. <i>Maggiordomato di S. S. Nomine. . . . .</i>	59







# ACTA APOSTOLICAE SEDIS

## COMMENTARIUM OFFICIALE

### ACTA BENEDICTI PP. XV

#### ALLOCUTIO

HABITA IN CONSISTORIO DIEI 22 IANUARIJ 1915

VENERABILES FRATRES

Convocare vos hodierno die visum est Nobis ob eam causam, ut de supplendo episcoporum ordine sollemniter coram vobis ageremus. Complures enim ex orbe catholico ecclesiae sunt proximo tempore suis viduae pastoribus; in iis autem nonnullae reperiuntur, quibus, pro ipsarum dignitate, in hoc amplissimo coetu consulere aequum putamus.

Antea vero, cum frequentes vos hic adesse conspiciamus, venerabiles Fratres, qui propter singularem, quam habetis Nobiscum coniunctionem, omnium cogitationum curarumque Nostrarum estis iure participes, temperare Nobis non possumus, quin de illa aegritudine animi, qua Nos opprimi intelligitis, aliquid aliud in animos vestros effundamus. Scilicet menses continuantur mensibus, necdum spes ulla ostenditur fore, ut calamitosissima haec dimicatio, vel potius trucidatio brevi conquiescat. Cuius tanti mali si non, ut vellemus, properare finem possumus, utinam Nobis liceat dolores, qui ex eo consequuntur, mitigare. Equidem ad eam rem hucusque, quantum erat in Nobis, laboravimus; item, quoad res postulaverit, laborare non desistemus.

Hoc amplius conari in praesens officii Nostri conscientia prohibemur. Romani quidem Pontificis, ut qui constitutus a Deo sit summus legis aeternae interpret et vindex, maxime est edicere nemini unquam ulla ex causa fas esse violare iustitiam; id quod Nos apertissime edicimus, quaslibet iuris violationes, ubicumque demum factae sint, magnopere reprobantes. At vero ipsis bellantium contentionibus pontificiam miscere auctoritatem hoc sane neque conveniens foret, nec utile. Profecto quisquis est prudens rerum aestimator, videt Apostolicam Sedem in hoc certamine, quamvis sine maxima cura esse non possit, tamen nullius partis esse debere: cum Pontifex romanus, ut vicem quidem gerens Iesu Christi, qui pro universis et singulis hominibus mortuus est, omnes quotquot dimicant, debeat sua caritate complecti; ut Parens autem catholici nominis, utrobique filios habeat frequentissimos, de quorum omnium salute aequae debet esse sollicitus. Non igitur in eis respiciat oportet rationes ipsorum proprias, quibus inter se dividuntur, sed commune vinculum Fidei, quo copulantur. Si secus faciat, non modo causam pacis nihil adiuvet, sed etiam, quaesitâ in Religionem invidiâ, ipsam domesticam Ecclesiae tranquillitatem et concordiam magnis perturbationibus obiiciat.

Verum, neutris addicti partibus, utrasque tamen, ut diximus, habemus Nobis curae; atque horribicos huius belli motus summa sollicitudine atque anxietate prosequimur, praesertim cum timendum sit, ne forte vis inferendae impetus omnem quandoque modum excedat. Utique naturâ fit, ut ubicumque filiorum in communem Ecclesiae Parentem pietas fuerit exploratio, illic studiosior quodammodo eius mens animusque versetur: cuius rei, quod, exempli causa, ad dilectam Belgarum gentem attinet, argumento sunt eae quoque litterae, quas haud ita pridem ad Cardinalem Archiepiscopum Mechliniensem dedimus.

Liceat hoc loco eorum, qui in alienos fines pugnando transierint, obtestari humanitatem, ne iis regionibus plus vastationis inferatur, quam ad easdem occupandas necesse sit; neve, quod maius est, incolarum animi in iis quae habent carissima, ut

aedes sacras, ut sacrorum administros, ut iura religionis et Fidei, gratuito vulnerentur. Iis vero, quorum terras hostis occuparit, facile existimamus, quam durum sit externis esse subiectos. Sed caveant velimus, ne, prae libertatis recuperandae studio, gubernationem praesertim ordinis publici impediendo, suam conditionem faciant multo deteriorem.

Ceterum, venerabiles Fratres, tantarum premente mole miseriarum, non succumbendum est animo; sed, quo rerum obscurior videtur exitus, eo vel maiore *adeamus cum fiducia ad thronum gratiae ut misericordiam consequamur, et gratiam inveniamus in auxilio opportuno* (HEBR., 4, 16). Insistendum nimis, uti iam diximus, humilibus ad Deum precibus, qui sicut humanarum rerum est dominator et arbiter, sic voluntates hominum deducere, unde velit, et quo velit, impellere unus invicta virtute potest. Neque enim sine nutu permissuque divino pax dicenda est tamquam evolasse ex orbe terrarum; scilicet, ut gentes humanae, quae suas omnes curas defixissent in terras, oblivionem neglectumque Dei mutuis caedibus inter se vindicarent. — Accedunt identidem alia rerum eventa, quae homines cogant « humiliari sub potenti manu Dei » (I. PETR., 5, 6); cuius generis id quod proximis diebus evenit, scimus omnes quam horrendum fuerit et quam luctuosum.

Iam vero, quoniam deprecatio communis acceptior Deo est ac fructuosior, bonos, quotquot sunt, exhortamur, ne desinant quidem apud se quisque divinam implorare clementiam, sed potissime id faciant, publicas in sacris aedibus preces frequentando. Nos autem, propterea ut uno eodemque tempore quam maximus concentus comprecantium exsistat, duas, ut nostis sollemnes supplicationes indiximus, unam Europae catholicae in diem septimum mensis proximi, alteram catholico orbi reliquo in diem vicesimum primum mensis martii. Primae supplicationi Nosmet ipsi ad sancti Petri in Vaticano interesse constituimus; nec dubitamus quin vos ibidem, venerabiles Fratres, Nobiscum adfuturi sitis.

Faveat communibus Ecclesiae votis, adiutrix christianorum

sanctissima Deipara, et sui patrocinii suffragio impetret a Filio, ut, mentibus ad veritatis lumen, animis ad iustitiae cultum revocatis, pax Christi revisat orbem terrarum, atque constanter posthac cum hominibus permaneat.

Sed iam ad episcoporum cooptationem deveniamus.

#### VERSIO AUTHENTICA

*Venerabili Fratelli,*

Nell'intento di provvedere, con la dovuta solennità, alle diocesi vacanti, Ci piacque di convocarvi oggi alla Nostra presenza. Non poche infatti son le Chiese che in questi ultimi tempi restaron vedove dei loro pastori, e fra esse ve ne ha di tali da ben meritare, per la loro importanza e dignità, che Ce ne occupiamo in questo consesso.

Ma, innanzi tutto, al vedere qui radunati voi, o venerabili Fratelli, i quali, per quel vincolo di specialissima unione che a Noi vi stringe, avete giustamente con Noi comuni i pensieri e le sollecitudini, non possiamo fare a meno di versare nuovamente ne' vostri cuori alcunchè di quell'ambascia da cui sapete oppresso l'animo Nostro. Purtroppo i mesi si succedono ai mesi senza che ne arrida una lontana speranza che questa funestissima guerra, o piuttosto carneficina, abbia presto a cessare. Se non Ci è dato di affrettar la fine di sì grave flagello, oh potessimo almeno attenuarne le dolorose conseguenze! A tale scopo invero - e voi ben lo sapete - Ci adoperammo sinora per quanto era in Noi, nè mancheremo di adoperarci in avvenire, fintantochè il bisogno lo richiegga.

Fare oggi più di questo, non Ci è consentito dall'Apostolico ufficio. Il proclamare che a nessuno è lecito, per qualsivoglia motivo, ledere la giustizia, non v'ha dubbio che appartenga massimamente al Romano Pontefice, come a Colui, che da Dio è costituito supremo interprete e vindice della legge eterna; e Noi senza ambagi lo proclamiamo, riprovando altamente ogni ingiustizia, da qualunque parte possa essere stata commessa. Ma coinvolgere l'autorità pontificia nelle contese stesse dei belligeranti, non sarebbe per fermo nè conveniente nè utile. Chiunque giudichi ponderatamente, non può al certo non vedere che la Sede Apostolica in questa lotta immane, pure essendo nella più grande preoccupazione, ha da mantenersi perfettamente imparziale; poichè il Romano

Pontefice, in quanto è Vicario di Gesù Cristo ch'è morto per tutti e singoli gli uomini, deve abbracciare in uno stesso sentimento di carità tutti i combattenti; in quanto poi è Padre comune dei cattolici, ha da una parte e dall'altra dei belligeranti gran numero di figli, della cui salvezza dev'essere ugualmente e indistintamente sollecito. È quindi necessario ch'Egli riguardi in essi non gl'interessi speciali che li dividono, ma il comune vincolo della Fede che li affratella; se facesse altrimenti, non solo non gioverebbe punto alla causa della pace, ma, ch'è peggio, creerebbe avversioni ed odi alla religione ed esporrebbe a gravi turbamenti la stessa tranquillità e concordia interna della Chiesa.

Però, pur non tenendo per nessuna delle due parti, dell'una e dell'altra, come abbiám detto, ugualmente Ci preoccupiamo; mentre con angosciosa ansietà teniam dietro alle terribili fasi di questa guerra, tanto più ch'è a temersi non forse la violenza nell'attacco trascenda talvolta ogni misura. Ben s'intende che, ovunque più vivo si nota nei figli l'affetto riverente verso il comun Padre dei fedeli, là, com'è naturale, il pensiero Ci torna più insistentemente: e di ciò, per quanto, ad esempio, riguarda il diletto popolo Belgà, testimone è anche quella lettera che indirizzammo testè al Cardinale Arcivescovo di Malines.

E facciamo qui appello ai sentimenti di umanità di coloro che varcano i confini delle nazioni avversarie, per iscongiurarli, che le regioni invase non vengano devastate più di quanto sia strettamente richiesto dalle ragioni dell'occupazione militare, e che, ciò che più monta, non sian feriti, senza vera necessità, gli animi degli abitanti in ciò che han di più caro, come i sacri templi, i ministri di Dio, i diritti della religione e della fede. Riguardo poi a quelli che veggono la loro patria occupata dal nemico, intendiamo benissimo quanto debba riuscir loro gravoso lo star soggetti allo straniero. Ma non vorremmo che la bramosia di recuperare la propria indipendenza, li spingesse specialmente ad intralciare il mantenimento dell'ordine pubblico, e a peggiorare perciò di gran lunga la loro condizione.

Del resto, o venerabili Fratelli, non perchè tante e sì gravi angustie ci turbano, dobbiamo per questo abatterci di animo; anzi, quanto più buio si presenta l'avvenire, con tanto maggiore *fiducia accostiamoci al trono di grazia; affin di ottenere misericordia, e grazia trovare per opportuno sovvenimento* (Hebr. 4, 16). È quindi necessario, come già prescrivemmo, rivolgere insistenti ed umili preci al Signore, che, com'è padrone ed arbitro sovrano degli eventi umani, così può ai suoi infallibili disegni indirizzare egli solo, per quelle vie che meglio gli piacciono, i voleri degli uomini. Non paia che senza un divino consiglio la pace abbia



esulato dal mondo; permette Iddio che le genti umane, le quali avevan posto ogni pensiero nelle cose di questa terra, si puniscano, le une le altre, con mutue stragi, del disprezzo e della noncuranza con che lo han trattato. — Altri eventi poi si aggiungono di quando in quando a costringere gli uomini ad umiliarsi « *sotto la potente mano di Dio* » (I, Petr. 5, 6); come quello di questi ultimi giorni, che tutti sappiamo quanto sia stato orrendo e luttuoso.

Pertanto, poichè la preghiera in comune è più accettevole a Dio e più fruttuosa, esortiamo tutti i buoni a propiziare la divina clemenza col pregare in privato, ma specialmente coll'intervenire ne'sacri templi alle pubbliche preghiere. E perchè un immenso coro di voci supplichevoli salga simultaneamente al cielo, abbiamo indetto, come vi è noto, due solenni funzioni espiatorie, una da farsi dai cattolici di tutta Europa ai 7 del prossimo febbraio, l'altra da tenersi nel resto del mondo cattolico ai 21 di marzo. Alla prima abbiamo stabilito di assistere Noi medesimi in S. Pietro in Vaticano, e siamo certi che voi non mancherete, o venerabili Fratelli, di prendervi parte con Noi.

Ascolti e secondi i comuni voti della Chiesa la Vergine santissima, Aiuto dei Cristiani, e colla sua intercessione ottenga dal suo Divin Figlio che, tornate le menti al culto della verità e gli animi a quello della giustizia, la pace di Cristo riapparisca al mondo e ponga d'ora innanzi stabile sede fra gli uomini.

## S. CONGREGATIO CONSISTORIALIS

### CONSISTORIUM SECRETUM

Die 22 ianuarii 1915 in palatio apostolico Vaticano, habitum est Consistorium secretum, in quo sanctissimus Dominus noster Benedictus Papa XV Eŕmo et Revŕmo Dño cardinali Antonio Vico Officium comisit Camerarii sacri Collegii et Eŕmo ac Revŕmo Dño cardinali Petro Gasparri, iure optionis, assignavit titulum presbyteralem S. Laurentii in Lucina, facta ei potestate retinendi, tamquam commendatario, titulum S. Bernardi in Therminis.



In eodem Consistorio sanctissimus Dominus noster has quae sequuntur ecclesias de proprio pastore providit, scilicet:

Titulari archiepiscopali ecclesiae Chalcedonensi praefecit R. P. D. Andream Caron, hactenus archiepiscopum Ianuensem;

Metropolitanae ecclesiae Ianuensi R. P. D. Ludovicum Gavotti, hactenus episcopum Casalensem;

Cathedrali ecclesiae Cremonensi R. P. D. Ioannem Cazzani, hactenus episcopum Caesenatensem;

Cathedrali ecclesiae Iaurinensi R. P. D. Antonium Fester, hactenus episcopum titularem Paleopolitanum;

Titulari episcopali ecclesiae Thapsensi R. P. D. Valentinum Garcia et Barros, episcopum olim Palentinum;

Cathedrali ecclesiae Bergomensi R. P. D. Aloisium Mariam Marelli, hactenus episcopum Bobiensem;

Titulari episcopali ecclesiae Thermensi R. P. D. Aloisium Capotosti, hactenus episcopum Mutilanum;

Titulari episcopali ecclesiae Rhetimensi R. P. D. Americum Bevilacqua, hactenus episcopum Alatrinum;

Cathedrali ecclesiae S. Clodoaldi R. P. D. Iosephum Franciscum Busch, hactenus episcopum Leadensem;

Cathedrali ecclesiae Derthonensi sac. Simonem Petrum Grassi, parochum loci vulgo *Verdello* in dioecesi Bergomensis;

Cathedrali ecclesiae Fulginatensi R. P. D. Carolum Sica, canonicum archipresbyterum ecclesiae S. Eustachii in Urbe et officialem Secretariae Status S. S.;

Titulari episcopali ecclesiae Sasimorum sac. Aloisium Zaffarami, archipresbyterum S. Terentiani in dioecesi Tudertina, deputatum in Administratorem Apostolicum eiusdem dioeceseos;

Cathedrali ecclesiae Bobiensi sac. Petrum Calchi-Novati, parochum loci *Saronno* in dioecesi Mediolanensi, sacrae theologiae et iuris canonici doctorem;

Cathedrali ecclesiae Albinganensi sac. Angelum Cambiaso, canonicum S. Mariae de Carignano in urbe Ianuensi;

Cathedrali ecclesiae Elpasensi R. P. Ioannem I. Brown, societatis Iesu, rectorem collegii in urbe Denver;

Cathedrali ecclesiae Bisarchiensi R. P. Petrum Benedetti, procuratorem generalem Missionariorum Ssmi Cordis Iesu, sacrae theologiae doctorem;

Cathedrali ecclesiae Melitensi, R. P. Maurum Caruana, ordinis sancti Benedicti;

Cathedrali ecclesiae Vapincensi, R. P. D. Gabrielem Llobet, vicarium generalem dioecesis Elnensis, sacrae theologiae doctorem;

Cathedralibus ecclesiis Ampuriensi et Templensi R. P. Ioannem Mariam Sanna, provincialem Minorum Conventualium in Sardinia.

Deinde provisiones ecclesiarum Apostolicis sive sub plumbo sive sub anulo Litteris iam factas publicavit.

---

## S. CONGREGATIO DE DISCIPLINA SACRAMENTORUM

---

### PRÆSUMPTÆ MORTIS CONIUGIS

In comitiis generalibus habitis ab Emis ac Rmis PP. Cardinalibus huius S. Congregationis die 28 novembris et die 18 decembris 1914 propositae fuerunt duae quaestiones *praesumptae mortis coniugis*.

#### I

*Species facti.* Mulier A. C. anno 1868 in quadam Americae paroecia nupsit in facie Ecclesiae viro M. V. Iste, anno sequenti, acceptis a quadam femina litteris, instanter rogavit uxorem ut cum ipso transmigraret in urbem S. Ibi vir uxori sub iuramento aperuit se iam cum alia muliere matrimonio esse copulatum. Tunc ipsam reliquit, promittens tamen se esse rediturum; sed, brevi spatio temporis elapso, litteris ei in perpetuum valedixit.

Derelicta mulier interim agnovit virum sub ficto nomine novas nuptias alibi attentasse, et ex illo tempore alteri viro adhaesit: ex huiusmodi concubinato plures procreati sunt liberi.

Nunc vero ambo conscientiae stimulis exagitati enixe orant ut sibi liceat matrimonii sacramentum celebrare. Praetermissa enim quaestione de nullitate matrimonii mulieris A. C. cum viro M. V. ex capite impedimenti ligaminis (quia factum antecedentis matrimonii fulcitur tantummodo attestatione viri M. V.) oratoribus persuasum est praedictum virum M. V. iam pridem e vivis decessisse. Eamdem gratiam effusis lacrimis efflagitant eorum filiae, ut tandem aliquando monasterium ingredi possint, unde eas hactenus arcuit turpis parentum conditio.

*Argumenta.* Ex multis peractis investigationibus haec in favorem praedicti obitus habentur rationum momenta.

In primis argumentum sat probabile mortis viri M. V. eruitur ex diuturnitate temporis elapsi. Matrimonium celebratum fuit anno 1868; hinc elapsi sunt 46 anni quin ulla de ipso habeatur notitia, licet investigationes peractae sint in dissitis locis in quibus ipse commoratus est. Nunc aetatem supra septuagenariam ipse attigisset; quod improbable apparet inspectis speciatim pravis eiusdem moribus.

Nec deest argumentum positivum, iurata scilicet depositio filii quem oratrix e marito suscepit et post ipsius fugam in lucem edidit.

Cum ipse patrem suum olim perquireret in urbe C., a certo quodam P. R. didicit illum esse mortuum et quidem in urbe T. Ibi a quadam T. V., persona uti apparet fide digna, audivit patrem suum, aliquot mensibus ante, in navicula ad balneum exiisse, sed haud amplius visum fuisse: *era entrato*, en verba depositionis, *in un canotto a bagnarsi e non era più riapparso*; solas ipsius repertas fuisse vestes: *solamente avevano trovato i panni sopra il ponte*, uti idem filius alia occasione addidit. Nominati tamen testes P. R. et T. V. non amplius in respectivis illis locis inveniuntur, nec scitur eorumdem actualis residentia, proinde citari non potuerunt.

Ceterum idem filius deponit se per biennium alias adhuc inquisitiones instituisse quoad existentiam patris, sed incassum.

## II

*Species facti.* Mulier A. G. anno 1881 in urbe T. nupsit cuidam D. M. tunc aetatis 22 annorum: sed eum, utpote vino ac adulterinis amoribus deditum (uti ipsa asserit), post octo annos vitae communis deseruit.

Ille autem, sub finem anni 1889, trans mare in urbem B. se contulit, neque ullum umquam de se nuntium misit.

Interim uxor alii viro se adiunxit, quocum vitam concubinariam ducit.

Tandem, aeternae suae saluti consulere percipiens, casum auctoritati ecclesiasticae exposuit. Haec S. Congregatio Curiae dioeceseos mandavit, ut processum de praesumpto obitu coniugis D. M. instrueret ad tramitem Instructionis S. C. S. Off., anni 1868.

Absoluto demum processu, praefata Curia quum propria auctoritate sententiam ferre non auderet, illius Acta ad H. S. C. transmisit pro opportuna decisione.

*Argumenta.* Ante omnia advertendum est, oratricem in praesenti casu omnem effugere suspicionem mendacii. Nam ecclesiastica eius unionis sanatio nullum ipsi commodum temporale afferet.

Nam teste sacerdote regulari P. S., qui laudabili zelo eius causam pro viribus promovit: « Omnes incolae loci ubi mulier habitat eam « putant legitimo matrimonio copulatam ..., omnes quibus nota est eam « pro vera uxore semper habuerunt, ac etiamnum habent ».

Ad demonstrandam autem mortem eius mariti, argumenta efferuntur tam *negativa* quam *positiva*.

*Prioris generis sunt: diuturnitas temporis ex quo vir disparuit et inutilitas indagacionum:*

1) *Diuturnitas disparitionis:* Vir assertive defunctus patriam liquit a viginti quinque circiter annis: « Mense octobri anni 1889 navem con- » scendit in isto portu T., ... mense vero decembri eiusdem anni appulit « ad portum B. ».

Ad tam diuturnam absentiam eo magis attendi debet, quod eius regionis incolae etsi numerosi in illam terrae partem emigrant, ibi tamen non ultra duos vel tres annos remanere solent, et postea in patriam revertuntur.

2) *Inutilitas indagacionum:* scilicet inde ab annis 1900 et 1901 vir ille exquisitus est ubicumque supponi poterat ipsius praesentia, idque ope « consulum » respectivae nationis in longinquis illis regionibus residentium: at nusquam detectum fuit illius vel vestigium.

*Posterioris autem generis argumenta sunt testimonia tum de visu, tum de auditu, tum de fama.*

I. Testis *de visu* comparuit quidam B. C. « homo - uti asseritur - « probus, fide dignus, irreprehensibilis ». Qui, praevio obstrictus iureiurando, coram tribunali eccl. T., 4 mart. 1912, deposuit: *se maritum oratricis vidisse mortuum*.

Et quidem narrat: qua *occasione* mortuum viderit, quo *tempore*, quo *loco*, quae mortis fuerit *causa*, demum quomodo certus sit de *identitate* eiusdem, quem vidit, mortui cum marito oratricis.

Qua occasione: « Hoc didici in urbe B. (in quam videlicet vir emigra-  
« vit) ab aliquibus hominibus gentis meae: qui, cum de morbo tunc in  
« illa urbe grassante loquerentur, praeter alias victimas nominarunt  
« etiam certum quemdam D. M., cuius cadaver ego (postea) vidi ».

Quo tempore et loco: « Id, ait, evenit anno 1897, mense aprili, in  
« urbe B., in regione quam habitant nautae nationis meae, et quae voca-  
« tur B., prope ad mare ».

Quae fuerit causa mortis: « Pestis illa erat febris typhoidea ».

Quomodo certus sit de viri identitate: De ea certus est:

a) ex relatione aliorum, siquidem, iuxta ipsius verba modo relata,  
illi homines « praeter alias victimas, nominarunt etiam certum D. M. »:  
quod est nomen viri, de quo agitur.

b) ex propria recognitione: vivum enim optime noverat: facile  
ergo mortuum agnovit.

Vivum optime noverat: « Ego virum D. M. noveram inde ab annis  
« 1884-85 in urbe T. ».

Facile igitur agnovit mortuum: « Eum recognovi ex vultu, speciatim  
« ex maculis quas ibidem reliquerat morbus *variola*; erat staturae mediae,  
« tunc forte annum agebat circiter trigesimum quartum ».

Hinc de asserta morte se omnino certum dicit: « Ego omnino certus  
« sum de morte D. M., ita ut hanc secundum omnem scientiam et con-  
« scientiam iurare possim; et attestor me, dum haec depono, nihil aliud  
« spectare quam manifestationem solius veritatis ».

II. Testes de auditu acciti sunt quatuor:

1) *Primus* P. I., 30 dec. 1909, sub religione iurisiurandi deposuit: « Qua-  
« tuor vel quinque abhinc annis audivi a pluribus ab urbe B. (in quam  
« vir emigraverat) huc reversis, praefatum D. M. mortuum fuisse pluribus  
« annis ante ». Notetur concordantia temporis mortis indicati ab hoc  
teste et a praecedenti; qui asseruit se mortui cadaver vidisse « anno 1897 ».

2) *Secundus*, A. G., frater oratricis, qui dicitur esse « irreprehensi-  
« bilis, honestus, verax », bis, annis 1909 et 1912, coram iudice ecclesia-  
stico sub vinculo iuramenti auditus est. Qui narrat, ubi, quando, a qui-  
bus mortem praefati mariti didicerit, et ubi ipsa evenerit.

Ubi et quando didicerit: « Eram in urbe B. (etiam a duobus prio-  
« ribus testibus designata) abhinc annos fere quindecim ... Audivi loqui  
« eo tempore de D. M., cum essem in loco quodam publico ».

A quibus didicerit: praefatam mortem audivit tum a quodam F. L.,  
homine eiusdem nationis ac vir de quo agitur, tum ab eius uxore, tum  
ab aliis, quibus ille notus fuerat et qui in illam urbem navigaverant vel  
illuc commorabantur.



*Ubi mors evenerit:* audivit ex ea muliere, D. M. mortuum esse « extra urbem B. », in quam procul dubio eius cadaver reportatum fuit, siquidem illud ibi agnovit supra citatus testis de visu.

3) *Tertia*, E. B. ex eadem urbe B. ad quamdam amicam scribens, huic, inter alia, obitum nuntiat viri de quo in casu: « Denique tandem - « ait - certior facta sum de morte mariti Antoniae ».

Scripta fuit haec epistola die 2 sept. anno 1898: ergo nonnisi sexdecim circiter mensibus *post* tempus mortis, quale indicavit supranominatus testis B. C. Congruunt proinde verba huius testis E. B.: « Denique tandem certior facta sum ... ».

Ceterum haec epistola in authentico exemplari Actis alligata est.

4) *Quartus*, M. M., qui plures annos in illa regione moratus est, ubi mortuus asseritur vir, de quo in casu. Ignoratur quidem praesens huius testis domicilium, sed « plures testes etiam sub iuramento affirmant, « hunc M. M. mortem (olim) narrasse viri D. M. ».

III. *Testes de fama.* De qua supra nominatus sac. reg. P. S. haec testatur: « Publica opinio constans, diuturna ac longe pateque diffusa non « parum ponderis habet: atqui talis est haec opinio de morte viri D. M.: « ita quidem ut ii, quibus nota est oratrix, semper crediderint et adhuc « credant, eam esse legitimo matrimonio iunctam: siquidem iis persuasum « est, eam, post mortem prioris mariti, nupsisse in facie Ecclesiae.

« Plurimi sunt homines eiusdem gentis qui in eandem regionem « emigrant. Qui tamen non solent uxores ac liberos illuc secum ducere, « sed vadunt ut per duos vel tres annos illic laborent, et tunc redeant: « Si ergo falsa fuisset publica haec opinio, facile corrigi potuisset: at « nullus umquam auditus est nuntius contrarius, nulla nec suspicio ».

Contra allata argumenta inducitur exceptio quod mortis D. M. nulla mentio habeatur nec in libris parochialibus, nec in registis civilibus. Sed competens auctoritas illius loci, requisita a Curia episcopali quae processum confecit, ita rescribit « accidere potuit quod, grassante illa pesti- « lentia, propter nimium laborem illa mors non fuerit libris inscripta, aut « notata fuerit sine nomine. *Huiusmodi omissiones tunc temporis fuerunt « frequentes* ».

Pro utroque casu exposito sequens eminentissimis Patribus submis- sum fuit dubium: *An oratrici permitti possit transitus ad alteras nuptias.*

Et eminentissimi Patres omnibus mature perpensis pro utroque casu respondendum censuerunt: *Affirmative.*

† ALOISIUS CAPOTOSTI, Ep. Thermen. *Secretarius.*



## S. CONGREGATIO CONCILII

## DIOECESIS N.

REDITUUM MENSÆ, SEDE VACANTE

Die 8 februarii 1913

Vacante sede episcopali dioecesis N. anno 1910, constitutus est Administrator Apostolicus, qui praefatae dioecesis regimen tenuit usque ad annum 1912, quo Episcopus successor possessionem cepit. Quum intermedio tempore fructus maturassent nonnullorum reddituum, quaesitum est num hi fructus ad Administratorem Apostolicum an potius ad Episcopum successorem spectarent; quod dubium dirimendum, utriusque nomine, ad hanc S. Congregationem Concilii detulit Vicarius generalis praefatae dioecesis.

Pro huius dubii solutione operae pretium visum est recolere in primis ad quem, iure communi spectato, pertineant redditus mensae episcopalis sede vacante. Qua in re fundamentalis habetur decretalis Alexandri III, c. *Cum vos*, 4, de off. iud. ord., ubi praecipitur sede vacante constituendos esse oeconomos, qui debeant « fructus percipere et eos, aut in ecclesiarum utilitatem expendere, aut futuris « personis fideliter reservare ». Huius autem decretalis observantiam sub poena suspensionis urget Bonifacius VIII in cap. *Quia saepe contingit* 40, de elect., in VI, et Clemens V in Conc. Viennen., cap. *Statutum* 7, de elect. (Clem.) declarat « statutum super bonis... futuris successoribus reservandis, locum habere in « omni emolumento, quod provenit ex iurisdictione et sigillo curiae ecclesiae « sticae, aut alias undecumque, quod ad praelatos, ecclesiis non vacantibus, « pertineret, consuetudine qualibet contraria non obstante; ita tamen quod in « istis et in similibus rationabiles deducantur expensae ». De qua constitutione duo notanda sunt: 1<sup>o</sup> bona quae praelato successoris reservantur, ea esse tantummodo, quae ad praelatum viventem pertinuissent: et ideo, si qua bona aut emolumenta, sede plena, ad vicarium generalem proprio iure spectassent, haec, sede vacante, ad vicarium capitularem pertinere; 2<sup>o</sup> redditus mensae episcopalis non intelligi nisi deductis rationabilibus expensis, et proinde ex his redditibus in primis constituendum et solvendum esse rationabile stipendium vicario capitulari, aut in genere, ei qui sedem vacantem administraverit.

Quae duo puncta S. Congr. Concilii, ius commune interpretata, semper asseruit et confirmavit, ut constat v. g. ex una Cephaluden. 17 novemb. 1594; ex quadam Nullius, 11 iulii 1626; ex una Agrigent. 17 april. 1627, quas recolit Benedictus XV, *De Syn. dioec.* lib. X, cap. 10, n. 4; cfr. etiam Goan., 6 mart. 1847. Hinc apud doctores canonum hac de re doctrina constans et

unanimis effecta est: cfr. Leurenus, *De Vic. Episc.* q. 465, n. 1.; Monacelli, *Formular.* I, tit. 1, form. 2, n. 15; De Angelis, *Praelect.*, in tit. *de Off. Vicar.*, num. 22, etc.

Notandum tamen est, ius commune hac in re limitatum et etiam immutatum nonnullis in regionibus fuisse, sive per reservationes pontificias, sive per pacta concordata cum potestate civili. Variis enim temporibus Romani Pontifices reservare coeperunt *Camerae Apostolicae* bona e beneficiis, etiam episcopalibus, vacantibus obvenientia. Sic Iulius III, Const. *Cupientes* diei 20 mart. 1554, S. Pius V, Const. *Emanarunt* diei 12 decemb. 1567 pro Hispania; sic etiam, ad normam reg. 2 Canc. Apost., Pius IV, Const. *Cupientes* diei 25 april. 1561 pro Italia, etc. De qua reservatione notandum, per fructus a die vacationis colligendos, venire etiam fructus die vacationis inexactos, ad normam Constit. Iulii III *Cum sicut* diei 6 iun. 1550, quam confirmavit Urbanus VIII Const. *Aeternus rerum Conditor*, die 5 april. 1628. Animadvertendum praeterea est, omnia bona et iura quae ad Cameram Apostolicam pertinebant, et proinde etiam bona beneficiorum episcopalium vacantium, « eodem modo et forma, « quibus ad Cameram Apostolicam pertinebant, S. Congregationi de Propaganda Fide » addicta et incorporata fuisse a Pio VII, per Constit. *Catholicae fidei* 19 iunii 1817 (Bull. Rom. contin. t. VII, p. 1473).

De pactis autem cum potestate civili concordatis casus de quo agitur nullam disputationem postulabat.

Maximi vero momenti visum est, ad commune ius quod attinet, in comperto ponere quomodo interpretanda sint verba Decretalium « futuris personis « fideliter reservare ». Ea profecto non possunt ita intelligi, ut integrum sit immediato successori fructus durante vacatione collectos in proprios usus quoscunque libere convertere. Notissimum enim est omnes beneficiatos, sive maiores sive minores, ex lege generali, non posse de quibuslibet fructibus proprii beneficii pro seipsis impendere nisi quantum necessarium est ad honestam substantiationem. Quin immo evidenter patet ex Concilio Lateranensi Pontifice Alexandro III celebrato, ex cap. *Cum in officiis*, 7, *de testam.* et ex cap. *Relatum* 12 eod. tit., bona omnia ex beneficiis provenientia, quae supersint post honestam substantiationem beneficiati, spectare *ad ecclesiam*. « Nomine autem « ecclesiae », sunt verba ipsius Alexandri III in cit. cap. *Relatum*, « non episcopus vel successor clerici morientis, sed communis congregatio intelligitur, quae rerum illarum debet canonicam distributionem et curam habere. « Ubi autem in loco defuncti tantum unus est ordinandus, is ea bona (sicut « et alia ipsius ecclesiae) in Dei timore dispenset ».

Contra, non pauci auctores magnam hac in re confusionem et equivocationem invexerunt. Hos vero sapienter, more suo, corrigit praeclarus iuriconsultus card. De Luca in discept. centesima de *Beneficiis*, n. 22, ubi ait « Cum « doctores materiam tractando praesupponant huiusmodi fructuum pertinentiam « ad successorem, hinc frequentior opinatio est, non solum ignari ac inferioris « vulgi, sed etiam forte litteratorum ac virorum superioris ordinis, quod

« huiusmodi fructus... ad ecclesiam vel successorem pertinentes, sint ipsius  
« successoris, cuius fortunae referri solet invenire notabilem cumulum fructuum  
« decursorum tempore vacationis... Verum... videtur aequivocum clarum...;  
« siquidem quoad alios [fructus] annorum praecedentium, eos exigere quidem  
« poterit successor et administrare, *sed ad commodum ecclesiae, in augmentum*  
« *eius dotis et bonorum*, cum ita, speciem dotis principalis habere videantur,  
« eodem modo quo hereditatem vel fideicommissum augent fructus, qui decur-  
« runt intermedio tempore, quo successio, ob non existentiam personae vocatae,  
« seu ob non purificatam conditionem, vacat, sive eandem hereditatem augent  
« fructus maturati de tempore mortis testatoris ».

Huic praeclari iurisperiti doctrinae inhaerendo, quae tum iustitiae, tum canonicae aequitati plane conformis apparet, enunciati fructus investiendi essent favore mensae episcopalis, et consequenter favore hodierni Episcopi et aliorum successorum.

Verum huic conclusioni obstare in casu videbantur supra citatae Constitutiones Pontificiae, quarum vi fructus e bonis ecclesiarum seu beneficiorum vacantium spectabant olim ad Cameram Apostolicam, et nunc spectarent ad sacram Congregationem de Propaganda Fide; aliunde, autem, prae oculis habendae erant peculiares quaedam circumstantiae, in quibus versabatur Episcopus successor.

Quibus praehabitis, quum in plenario coetu diei 8 februarii 1913 causa proposita fuisset, Emi Patres rescribendum censuerunt:

« Attentis omnibus rerum adiunctis in casu concurrentibus, dimidiam  
« partem fructuum caute et utiliter investiendam esse favore mensae episco-  
« palis; dimidiam autem tribuendam esse Episcopo successor, *facto verbo*  
« *cum Ssno* ».

O. GIORGI, *Secretarius*.

## S. CONGREGATIO DE PROPAGANDA FIDE

### DECRETUM

IMMUTATUR TITULUS VICARIATUM APOSTOLICORUM DE VICTORIA NYANZA

Ad preces R. P. D. Henrici Streicher, episcopi titularis Tabracensis et vicarii apostolici Victoriae Nyanzae Septentrionalis, Emi Patres sacri huius Consilii Fidei Propagandae, plenariis in comitiis die 11 vertentis mensis habitis, immutandum esse censuerunt nomen praedicti Vicariatus,

qui in posterum ab *Uganda* (cuius regni territorium magna ex parte praefata Missio comprehendit) nuncupetur; geminus vero Vicariatus Meridionalis, posthac simpliciter a Victoria Nyanza, absque alio addito, denominetur. Quam sententiam Ssmo Dño nostro Benedicto div. prov. Pp. XV, ab infrascripto sacrae eiusdem Congregationis Secretario, in audientia praefati diei, relatam, Sanctitas Sua in omnibus adprobavit ratamque habere dignata est atque praesens decretum fieri mandavit.

Datum Romae, ex aedibus S. Congregationis de Propaganda Fide, die 15 ianuarii, anno 1915.

Fr. H. M. CARD. GOTTI, *Praefectus*.

L. ✠ S.

C. Laurenti, *Secretarius*.

## SACRA CONGREGATIO RITUUM

### I

### ROMANA

#### DECLARATIONIS ET EXTENSIONIS INSIGNIUM

Humiles enixasque preces R. P. Ioannis B. Vitale Barnabitaе, parochi ecclesiae Ss. Blasii et Caroli ad Catinarios, et hodierni camerarii parochorum almae Urbis eiusque districtus, supplicia quoque totius Collegii vota depromentis, ab Eñno et Rñno dño cardinali vicario Basilio Pompilj commendatas et ab infrascripto cardinali sacrae Rituum Congregationi Pro-Praefecto relatas, sanctissimus Dominus noster Benedictus Papa XV peramanter excipiens, privilegium et usum insignium rochetti et palmatoriaе eisdem parochis utriusque cleri, decreto diei 11 novembris proxime elapsi, singillatim concessum, ita declarare atque extendere dignatus est:

I. Ipsi parochi, quoties legitime convocati, *collegialiter* sacris functionibus assistunt vel in processionibus incedunt, etiam coram Summo Pontifice et ubique, rochettum induere valent.

II. Si aliqui tantum parochi pro munere suo conveniunt et sacris adstant, ex. gr. occasione sacrarum missionum, spiritualium exercitiorum et similium, rochettum deferre possunt.

III. Tandem singuli ex praedictis parochis propria insignia gestare queunt, quando ministerium parochiale exercent in suos parochianos extra respectivam paroeciam, ex. gr. ratione baptismi, matrimonii, exsequiarum et funerum.

Verum ab his postremis Indultis II et III intelligi debent exclusa praedicta insignia semper in Basilicis patriarchalibus, atque etiam in ecclesiis filialibus, quando adest Capitulum patriarchalis Basilicae matricis. Praesenti decreto, de benigna eiusdem sanctissimi Domini nostri concessione, in perpetuum valituro; cum dispensatione a quavis Apostolici Brevis expeditione. Contrariis non obstantibus quibuscumque, etiam speciali mentione dignis.

Die 23 decembris 1914.

SCIPIO CARD. TECCHI, S. R. C. *Pro-Praefectus*.

L. ✠ S.

† Petrus La Fontaine, Ep. Charystien., *Secretarius*.

## II

### MOLINEN.

DECRETUM BEATIFICATIONIS ET CANONIZATIONIS SERVAE DEI LUDOVICAE TERESIAE DE MONTAIGNAC DE CHAUVANCE, FUNDATRICE PIAE UNIONIS OBLATARUM A SACRO CORDE IESU.

In Normanniae civitate, cui nomen « Le-Havre-de-Grâce », dioecesis Rothomagensis, die 14 maii 1820, ortum duxit Ludovica Teresia de Montaignac de Chauvance e legitimis clarisque genere parentibus Amato et Anna de Ruffin. Ludovica de Ruffin eius amitae instituenda tradita, brevi virtutibus et bonis artibus profecit, et, post amitae obitum, in civitate Montis Lucii, dioecesis Molinensis, stabile et fixum domicilium habuit. Ad decorem domus Dei et sacrarum suppellectilium nitorem servandum et promovendum, praesertim in ecclesiis pauperibus, speciale opus institui voluit. Anno 1852, in domo a se conducta suaeque familiae aedibus contigua, quasdam pauperes orphanas colligendas curavit, fertile semen ad gignendum procreandum Orphanotrophium successive auctum et constitutum, cuius in sacello Opus ab Adoratione Reparatrice constituit, quo singulis feriis quintis piae feminae sanctissimum Eucharistiae sacramentum, ab hora octava matutina ad quartam vespertinam



publice expositum, alternis vicibus adorarent. Ampliata deinceps ipsius Orphanotrophii domo et novo exstructo sacello in honorem S. Cordis inibi Pia Unio Oblatarum S. Cordis Iesu erecta est cum primis regulis auctoritate Ordinaria approbatis die 21 decembris 1874. Vertente anno 1879, etiam « Parva schola pueri Iesu » ad ecclesiasticas vocationes excolendas, a Dei famula originem habuit. Quum vero Pia Unio Oblatarum S. Cordis Iesu in dies increscens floreret in variis Galliae dioecesibus, anno 1880 a Capitulo generali, die 17 maii, ad totius Instituti regimen serva Dei electa et praeposita fuit. Quod munus, etsi corpore infirma ac debilis, usque ad obitum tamen exercuit. Ipsum porro Institutum ab Apostolica Sede die 4 octobris 1881 decreto laudibus cohonestatum, demum anno 1895, decimo ab obitu suae fundatricis, definitivam approbationem obtinuit. Interea Ludovica Teresia, diutinis saevisque doloribus tentata et ad extrema deducta, quum sacramentis morientium refecta esset, inter sodales et filias, pietatis suae sensus effundens erga sacratissimum Cor Iesu et Deiparam Virginem, tandem ex corporis vinculo soluta piam animam exhalavit, die 27 iunii anni 1885, non sine opinione sanctitatis. Hinc factum est ut Inquisitiones Ordinariae in ecclesiastica Curia Molinensi super fama sanctitatis vitae adornatae sint. Hisce autem absolutis et Romam ad sacram Rituum Congregationem delatis, quum, servato iuris ordine, omnia in promptu essent ad Causae introducendae discussionem, instante R. P. D. Raphaële Maria Virili, episcopo tit. Troadensi, ipsius causae Postulatore, attentisque litteris postulatoriis tum ex augustis Imperatorum et Regum familiis, tum ex Eñis S. R. E. Patribus Cardinalibus, necnon ex Rñis Archiepiscopis et Episcopis, Capitulis, Praepositis Ordinum seu Congregationum aliisque personis ecclesiastica vel civili dignitate praestantibus, Eñus ac Rñus dominus cardinalis Vincentius Vannutelli, episcopus Praenestinus, eiusdem Causae Ponens seu Relator, in Ordinariis sacrorum Rituum Congregationis Comitibus subsignata die ad Vaticanum coadunatis, sequens dubium discutiendum proposuit: *An signanda sit Commissio introductionis Causae in casu et ad effectum de quo agitur?* Et Eñi ac Rñi Patres sacris tuendis Ritibus praepositi, post relationem ipsius Eñi Ponentis, audito verbo et scripto R. P. D. Alexandro Verde, sanctae Fidei promotore, omnibus accurate perpensis, rescribendum censuerunt: *Affirmative seu Signandam esse Commissionem, si Sanctissimo placuerit.* Die 15 decembris 1914.

Quibus omnibus sanctissimo Domino nostro Benedicto Papae XV per infrascriptum Cardinalem sacrae Rituum Congregationi Pro-Praefectum relatis, Sanctitas Sua rescriptum eiusdem sacri Consilii ratum habens, propria manu signare dignata est Commissionem introductionis



Causae servae Dei Ludovicae Teresiae de Montaignac de Chauvance, fundatricis Piaae Unionis Oblatarum a sacro Corde Iesu, die 23 eisdem mense et anno.

SCIPIO CARD. TECCHI, S. R. C. Pro-Praefectus.

L. ✕ S.

† Petrus La Fontaine, Ep. Charystien, *Secretarius*.

## SACRA ROMANA ROTA

### I

#### VICARIATUS APOSTOLICI SUECIAE

##### NULLITATIS MATRIMONII (HOOGLAND-WAERN)

*Pio PP. X feliciter regnante, Pontificatus Dominationis suae anno undecimo, die 19 mensis augusti 1914, [RR. PP. DD. Aloisius Sincero, Ponens, Iosephus Mori, et Fridericus Cattani, Auditores de turno, in causa Vicariatus Apostolici Sueciae - Nullitatis matrimonii, in sede appellationis promotae a defensore vinculi in curia vicariatus] apostolici inter Mariam Hoogland, actricem appellatam, repraesentatam per legitimum procuratorem ex officio advocatum Felicem Gualandi, et reum conventum Leonardum Waern, interveniente et disceptante in causa defensore matrimonii ex officio apud H. S. T. sequentem definitivam tulerunt sententiam.*

Maria Hoogland, 24 annis circiter nata et lutheranae sectae addicta, Amstelodami in Hollandia die 14 augusti 1902 matrimonium coram civili magistratu contraxit cum Leonardo Waern qui et ipse lutheranae sectae erat addictus. Cum sponsi nec ratione personae, nec ratione loci lege tridentina tenerentur, matrimonium ex parte formae uti validum est profecto retinendum.

Sponsa cum viro suo cohabitavit usque ad mensem decembris 1908: quo ex tempore ex exortis dissidiis et ex interrupta cohabitatione mulier sollicita fuit obtinere civile divortium, cuius sententia prodiit anno 1912. Cum vero Maria exoptaret novas nuptias cum quodam viro catholico

conciliare, suum matrimonium nullitatis accusavit ex capite defectus consensus apud Curiam vicariatus apostolici Sueciae, in quam regionem sese iam sponsi in antecessum contulerant; eo quod, ut ipsa actrix in libello iudici ecclesiastico oblato declaraverat, Leonardus Waern hac de causa eam in matrimonium duxit ut ipsam uti sociam haberet, quae in recipiendis domi personis officia honoris bene impleret, et proinde ipsam numquam habuisse intentionem cum eo vitam coniugalem agendi.

Curia vicariatus die 21 iunii 1913 protulit sententiam favorem actrici, seu declaravit nullitatem accusati matrimonii, licet edisseruerit non satis constare de eius inconsummatione, sub quo aspectu etiam causa fuerat pertractata. Appellante vinculi defensore causa diiudicanda venit apud nostrum tribunal, ad quod pro resolutione remissa fuit a Congregatione super disciplina Sacramentorum; et disceptationi proponitur sub consueta dubitandi formula: *An constet de nullitate matrimonii in casu.*

*In iure.* Obiectum formale essenziale matrimonii est ius coeundi mutuum cum relativa obligatione, exclusivum et perpetuum et per se ordinatum ad prolem generandam et postea educandam (Card. Gasparri, *de matr.*, n. 7). Item finis primarius matrimonii est procreatio et proinde educatio prolis: mutuum vero adiutorium et solamen et alia eiusdem generis officia non sunt nisi finis secundarius matrimonii (Gasparri, *ibid.*, n. 9). Sunt ergo unitas et indissolubilitas proprietates essentielles matrimonii, unitatem theologi appellare solent *bonum fidei*: indissolubilitatem vero *bonum sacramenti* (Gasparri, *ibid.*, n. 10).

Quare si quis in contrahendo matrimonio intentione seria, positiva et praevalenti excluderet obiectum formale essenziale matrimonii, profecto non verum et validum sed irritum matrimonium iniret. Ad rem citatus card. Gasparri, n. 919: « Si contrahens habet quidem intentionem « contrahendi matrimonium, sed simul habet intentionem explicitam ac « positivam sese non obligandi aliquo modo, scilicet non vult tradere « acceptare, sed sua intentione excludit vel limitat eius ordinationem « ad prolem, vel perpetuitatem vel unitatem, dicens non interpretative « tantum sed positive in mente sua: " Volo contrahere matrimonium, « sed nolo tradere alteri parti ius perpetuum et exclusivum „ non est « dubium hunc contrahentem in genere peccare; et insuper matrimonium « est prorsus irritum ex defectu consensus. Nam cum ius sit relativum « obligationi, si pars mente sua excludit aut limitat obligationem matri- « monialem, eo ipso excludit aut limitat matrimoniale ius et ideo deficit

« consensus et matrimonium ». Confer etiam De Lugo, *de Sacram. in gen.*, dis. 8, sect. 8.

Hoc etiam rediret, si contrahentes vel saltem unus ex hisce conditionem vel intentionem poneret contra proprietates essentielles matrimonii (S. C. Inquis., 20 maii 1754 et 22 iulii 1840). Quae conditiones indicantur a Gregorio IX in cap. 7, tit. 5, *de condit. adpositis*. (Confer Gasparri, l. c., n. 1000). Verum circa conditiones adversantes tribus bonis matrimonii sedulo perpendenda sunt quae habet Sanchez, *de matrim.*, lib. 2, dis. 29, n. 11: « Contrahentem matrimonium debere saltem impli-  
« cite intendere bonum sacramenti, quod evenit quando non habet inten-  
« tionem contrariam, non tamen esse opus ut implicite intendat alia  
« duo matrimonii bona: quare si haberet animum etiam corde retentum  
« adversum bono sacramenti, quia scilicet intenderet non contrahere  
« matrimonium nisi ad tempus, non esset verum matrimonium, si tamen  
« haberet intentionem adversam aliis duobus bonis matrimonii, corde  
« solo retentam nec in pactum deductam, valeret utique, ut si intenderet  
« vitare prolem et habitam non educare, debitum negare et adulterari.....  
« Haec sententia videtur expresse D. Thomae, 4 dist. 31, est. 3 in cor-  
« pore et D. Bonaventurae ibi art. 1, 9, 3 ubi haec dicit: " Sine bono  
« sacramenti numquam est sacramentum, at potest esse sine fide et  
« prole, non tamen esset matrimonium, si in consensu exprimeretur  
« aliquid contrarium fidei et proli „; ecce qualiter tantum intentionem  
« contrariam bono fidei et prolis dicunt annullare matrimonium, quando  
« deducitur in pactum ».

Hisce in iure revocatis principiis, *ad factum quod attinet* Patres Domini, perlustratis actis processus, retinuerunt in casu matrimonium esse nullum renunciandum ob defectum necessariae intentionis seu maritalis consensus. De intentione siquidem qua contrahentes matrimonium coram civili magistratu iniverunt, Maria actrix haec testatur: « Ante matrimo-  
« nium convenit inter nos, si unus ex nobis vellet divortium efficere ab  
« altero contrahente, hic divortio consentiret ». Rogata autem a iudice curnam religiosum, iuxta ritum lutheranum, matrimonium non celebra-  
verint, respondit: « Contenti eramus modo ineundi matrimonii civilis,  
« quia pro conventionem inter nos facta putabamus ritum religiosum a  
« se alienum sive indecens videri », aliis verbis hoc matrimonium con-  
tractum est non cum vera intentione matrimoniali, seu cum animo se  
perpetuo obligandi, sed tantum ad servandam convenientiam coram civili  
societate, ut eadem actrix in dato responso declaravit « matrimonium  
« civile contraximus propter convenientiam », et a iudice interpellata

quid id significaret, respondit: « Propter convenientiam, ut nimirum « coram lege civili et secundum existimationem hominum tamquam « coniuges consideraremur ». Cum actricis depositione concordat etiam viri testimonium ita se habens: « Ego Leonardus Waern hisce declaro: « 1° quod cum matrimonium civile cum Maria Hoogland inirem, non « habui intentionem veram pro tota vita valens matrimonium cum ea « contrahere, sed unice hac de causa hoc matrimonium inivi, ut sociam « haberem, quae domi honoris officia erga alios bene implere posset; « 2° quod ei dixi eam esse dimissuram, si ipsa propter pulchritudinem « non iam mihi placeret ».

Neque dicatur in casu limitationem consensus appositam a coniugibus provenisse ab erronea persuasione quam ipsi habebant, utpote sectae protestanticae addicti, de solubilitate matrimonii: nam in proposita specie non solum de simplici errore sermo est, sed recurrit positivus voluntatis actus excludens perpetuitatem et indissolubilitatem vinculi per matrimonium contracti, quod est de se sufficiens ad illud irritandum iuxta causam in *Nicien.* - *Nullitatis Matrimonii*, die 24 ianuarii 1911, coram Many et *Neo-Eboracen.* - *Nullitatis Matrimonii*, 1 martii 1913 coram Cattani. Ait enim card. De Lugo: « In casu simplicis erroris habetur « unicus ac sufficiens voluntatis actus, in casu autem intentionis sese « non obligandi habentur duo actus voluntatis, sese mutuo destruentes, « unde illic adest consensus matrimonialis, hic non adest ». Igitur ex coniugum declaratione matrimonium uti nullum est habendum, et haec declaratio in themate uti sufficiens posset retineri iuxta ea quae tradit Sanchez, lib. cit., dis. 4, n. 1, quia exulat collusionis periculum, nam ut testatur Vicarius apostolicus ex ea vir nullum habet emolumentum, et tantum actrix fuit sollicita de obtinendo civili divortio.

Sed Patres Domini expenderunt praefatam declarationem roborari ex aliis testimoniis. Sane actricis mater, in curia Harlemoniensi rite excussa, ad iudicis rogationem « Num Leonardus Waern sibi revera declaraverit « se filiam ipsius Mariam hac una de causa in matrimonium ducere « velle, ut mulierem sicuti sociam haberet, quae in recipiendis domi « personis officia honoris bene impleret, nec nullo modo intentionem « habere vitam maritalem cum ea agere? » respondit: « Ita, hanc intentionem ante matrimonium mihi aperuit ». Accedunt testimonia fratris maioris natu actricis illiusque uxoris, qui propositae quaestioni « An « Leonardus Waern ante matrimonium dixerit ad testes, non esse suam « intentionem verum pro tota vita valens matrimonium cum Maria « Hoogland inire? » responderunt: « Hoc dixit nobis et addidit ». Cum igitur simulatus consensus initi matrimonii nedum ex coniugum depo-

sitione sed ex tribus aliis testimoniis septimae manus comprobetur, et cum iuxta Dominicum effatum: « In ore duorum vel trium testium stet « omne verbum », utroque iure (leg. *Ubi numerus testium* ff. *de test.*, cap. *In omni negotio extr. de test.* et cap. *Licet*, eod. tit.) habeatur plena probatio, merito Patres Domini senserunt in casu matrimonii nullitatem sufficienter in probatis exstare; eo vel magis quia in aperto aderat simulationis causa, nempe conservatio socialis convenientiae, ne secus vir appareret concubinaris, cui malo in occursum ivit matrimonii simulacro seu simulatione matrimonii civilis apud magistratum.

Neque demum asseri potest nullitatem matrimonii sanatam fuisse per mutuam renovationem consensus durante coniugum cohabitatione ab anno 1902 usque ad annum 1908: nam coniuges, super hoc interpellati, hanc renovationem omnino denegarunt. Ita Leonardus Waern haec deposuit: « Ego toto tempore, quo cum Maria Hoogland convixi, numquam habui intentionem verum pro tota vita valens matrimonium cum « ea inire ». Cui testimonio congruit actricis sequens: « Neque ego, neque « Leonardus Waern umquam significavimus unus ad alterum, quod nos « vellemus considerare nos tamquam coniuges ». Coniugum assertionibus fidem adiiciunt testes tum in concordii praedicatione quod illi sint fide digni, tum in referendis iis quae attinent ad eorundem coniugalem vitam. Rogati enim « An post convixerint coniuges in mutua caritate « et concordia », haec edixerunt responsa: frater actricis maior et ipsius uxor, qui nonnisi de tempore habitationis Amstelodami testari poterant, responderunt: « Quanto tempore domicilium habebant in Hollandia, « numquam sermo esse poterat de mutua caritate ». Frater actricis minor, qui testari poterat de toto tempore cohabitationis coniugum respondit: « Non convixerunt in mutua caritate et concordia ». Testis consanguinitate secundi gradus reo convento coniunctus, qui cognovit eum a pueritia, respondit: « Coniuges toto tempore (scilicet ab anno 1906 « quo cognitionem uxoris fecit) semper satis indifferenter seu negligenter « inter sese erant. Post mensem decembris 1908 pax omnino turbata « considerari debet ». Uxor huius testis respondit: « Secundum meam « existimationem hi coniuges unus erga alterum non tales sensus habebant, qualibus coniuges uniti esse debent ». Hae depositiones sufficientia praebent indicia de non facta a coniugibus revocatione prioris intentionis, quae ceteroquin perseverare praesumitur quoadusque contrarium non demonstretur.

Neque Patres Domini ullum pondus tribuere censuerunt facto quod vir noluit sub iuramento affirmare quod inter ipsos durante cohabitatione copula non intercesserit. Nam actrix, super hoc a iudice inter-



rogata, respondit: « Tentavit (Leonardus Waern) una vel altera vice in « statu magis vel minus inebriato ut copulam mecum haberet; sed ego, « iuramenti mei memor, affirmo hoc non esse factum »: et actrix in ulterio-  
riori depositione rationem reddit repulsae, quia sciebat eundem esse morbo venereo affectum: quod confirmatur ab eiusdem actricis matre, quae ita testata est: « Tempore postremo (Maria) mihi narravit se num-  
quam commercium carnale cum Leonardo Waern habuisse. Ille quidem « plures habebat dulcineas ». Ceterum etiamsi haec copula intercessisset, ex animo fornicario fuisset consummata et non intentione maritali, quam semper vir in suis depositionibus exclusit.

Quibus omnibus in facto et in iure perpensis, Christi nomine invo-  
cato, Nos infrascripti Auditores, pro tribunali sedentes et solum Deum prae oculis habentes, confirmata in hoc puncto sententia vicariatus apo-  
stolici Sueciensis, declaramus, decernimus, et definitive sententiamus *Constare de nullitate matrimonii inter Mariam Hoogland et Leonardum Waern*, seu proposito dubio respondemus: *Affirmative*.

Ita pronunciamus, mandantes Ordinariis locorum et ministris tri-  
bunalium ad quos spectat, ut executioni mandent hanc sententiam, et adversus reluctantes procedant ad normas sacrorum canonum, et praesertim cap. 3, sess. XXV, *de reform.*, Concilii Tridentini, iis adhibitis executivis et coercitivis mediis, quae magis efficacia et opportuna pro rerum adiunctis exstitura sunt.

Romae, in sede Tribunalis S. R. Rotae, die 19 augusti 1914.

Aloisius Sincero, *Ponens*.

I. Mori.

F. Cattani.

L. ✕ S.

Ex Cancellaria S. R. Rotae, 7 novembris 1914.

Sac. Tancredus Tani, *Notarius*.



## II

## CAUSAE ACTAE SUB SECRETO

*In S. R. Rota, anno 1914, a mense aprili ad mensem decembrem, actae sunt sub secreto sequentes causae, quarum definitiva sententia editur tantum in parte dispositiva:*

I. NULLITATIS MATRIMONII *ex cap. metus et affinitatis ex copula illicita.*

Proposito dubio: *An constet de nullitate matrimonii in casu*, RR. PP. DD. S. Many, Ponens, F. Heiner et I. Prior, Auditores de turno, die 6 aprilis, respondendum censuerunt: *Negative ex utroque capite.*

Adversus sententiam interposita est appellatio.

II. NULLITATIS MATRIMONII *ex cap. impotentiae ex parte viri.*

Proposito dubio: *An constet de nullitate matrimonii in casu*, RR. PP. DD. A. Perathoner, I. Alberti, Auditores de turno, et P. Rossetti, Ponens, die 16 maii respondendum censuerunt: *Consulendum Sæmo pro dispensatione a rato et non consummato.*

III. IURISDICTIONIS PAROCHIALIS.

Proposito dubio: *An sententia Rotalis diei 11 februarii 1912 confirmanda vel infirmanda sit in casu*, RR. PP. DD. S. Many, Ponens, F. Heiner et I. Prior, Auditores de turno, die 27 iunii respondendum censuerunt: *Sententiam Rotalem diei 11 februarii 1913 infirmandam esse.*

IV. NULLITATIS MATRIMONII *ex cap. impotentiae ex parte viri.*

Proposito dubio: *An constet de nullitate matrimonii in casu*, RR. PP. DD. I. Prior, Ponens, A. Sincero et I. Mori, Auditores de turno, die 6 iulii, respondendum censuerunt: *Affirmative.*

V. NULLITATIS MATRIMONII *ex cap. clandestinitatis.*

Proposito dubio: *An constet de nullitate matrimonii in casu*, RR. PP. DD. I. Prior, Ponens, A. Sincero et I. Mori, Auditores de turno, diei 11 iulii, respondendum censuerunt: *Affirmative.*

VI. DAMNORUM.

Proposito dubio: *An sententia Rotalis diei 30 martii 1914 sit confirmanda vel infirmanda in casu*, RR. PP. DD. Sebastianelli Decanus, Ponens, P. Rossetti et R. Chimenti, Auditores de turno, die 22 augusti, respondendum censuerunt: *Sententiam Rotalem diei 30 martii 1914 esse confirmandam.*

VII. NULLITATIS MATRIMONII *ex cap. simulationis consensus.*

Proposito dubio: *An sententia Rotalis diei 28 ianuarii 1914 sit confirmanda vel infirmanda in casu*, RR. PP. DD. F. Heiner, Ponens, I. Prior et A. Sincero,

Auditores de turno, die 28 novembris, respondendum censuerunt: *Sententiam Rotalem esse infirmendam, seu Non constare de nullitate matrimonii in casu.*

Adversus sententiam interposita est appellatio.

#### VIII. SOLUTIONIS.

Propositis dubiis: 1) *An et quaenam summa N. propria vel debeat a Capitulo vel apud Curiam sit deposita; 2) An quæ et a quo damnorum resectio debeat, etc.* RR. PP. DD. I. Mori, Ponens, F. Cattani et A. Perathoner, Auditores de turno, die 7 decembris, respondendum censuerunt: 1) *Ad primum ex deductis deberi a Capitulo summam libell. ... in reliquis negative, 2) Ad secundum negative.*

Ex Cancellaria, 14 ianuarii 1915.

Sac. T. Tani, Notarius.

## DIARIUM ROMANÆ CURIAE

### SEGRETERIA DI STATO

#### NOMINE

Con Biglietti della Segreteria di Stato il Santo Padre si è degnato di nominare:

14 gennaio 1915. — L'Emo signor cardinale Filippo Giustini, *Protettore della Congregazione delle Suore del Ssimo Sacramento, che hanno la casa madre a Valence-sur-Rhône.*

19 gennaio. — L'Emo signor cardinale Gennaro Granito Pignatelli di Belmonte, *Protettore delle Suore della sacra Famiglia.*

— Il medesimo Emo signor cardinale, *Direttore perpetuo della venerabile Arciconfraternita degli amanti di Gesù e Maria al Calvario.*

— L'Emo signor cardinale Filippo Giustini, *Protettore della Congregazione dei Fratelli della Carità.*

20 gennaio. — Mons. Carlo Perosi, reggente della Penitenzieria Apostolica, *Consulatore della suprema sacra Congregazione del S. Offizio.*

## MAGGIORDOMATO DI SUA SANTITÀ

## NOMINE

Con Biglietti di S. E. R<sup>ma</sup> Mons. Maggiordomo, il Santo Padre si è degnato di nominare:

*Camerieri Segreti soprannumerari di S. S.:*

- 9 novembre 1914. — Mons. Guido de Gentili, della diocesi di Trento.  
— Mons. Lodovico Eechelli, della medesima diocesi.  
— Mons. Luigi Sartori, della medesima diocesi.  
— Mons. Luigi Brugnolli, della medesima diocesi.  
— Mons. Edoardo Endrici, della medesima diocesi.  
— Mons. Giuseppe Niglutsch, della medesima diocesi.  
10 novembre. — Mons. Giovanni Bottio, della diocesi di Treviso.  
— Mons. Luigi Brusattin, della medesima diocesi.  
— Mons. Alessandro da Re, della medesima diocesi.  
12 novembre. — Mons. Matteo Cvetko, della diocesi di Segna.  
— Mons. Giovanni Vidas, della medesima diocesi.  
— Mons. Francesco Lorbeck, della medesima diocesi.  
— Mons. Carlo Smokvina, della medesima diocesi.  
— Mons. Giovanni Starečvić, della medesima diocesi.  
— Mons. Giuseppe Frančisković, della medesima diocesi.  
— Mons. Antonio Lončarić, della medesima diocesi.  
18 novembre. — Mons. Geysa Csothi, della diocesi di Veszprimia.  
— Mons. Stefano Hanauer, della medesima diocesi.  
— Mons. Ladislao Szántó, della medesima diocesi.  
— Mons. Giuseppe Lukcsics, della medesima diocesi.  
— Mons. Giuseppe Vida, della medesima diocesi.  
— Mons. Vittorio Radványi, della medesima diocesi.  
— Mons. Giuseppe Pályi, della medesima diocesi.  
— Mons. Bernardo Marengo, della diocesi di Fossano.  
21 novembre. — Mons. Giovanni Pasquazi, della diocesi di Palestrina.  
23 novembre. — Mons. Matteo Polonijo, della diocesi di Veglia.  
— Mons. Ferdinando Fischer, del vicariato apostolico di Sassonia.  
— Mons. Ansgario Manfroni, del medesimo vicariato apostolico.  
26 novembre. — Mons. Melchiorre Formaglio, della diocesi di Padova.  
— Mons. Ansgaro Borsiczky, della diocesi di Giavarino.  
30 novembre. — Mons. Tommaso Buholzer, della dioc. di Basilea e Lugano.  
— Mons. Giulio Müller, della diocesi di Münster.

30 novembre 1914. — Mons. Vincenzo Schembri, della diocesi di Malta.

4 dicembre. — Mons. Antonio Iadanza, della diocesi di Teleso o Cerreto.

— Mons. Adolfo Leone, della medesima diocesi.

— Mons. Giovanni Battista Chesò, della diocesi di Parma.

— Mons. Alessio Usëničnik, della diocesi di Lubiana.

— Mons. Antonio Zupančič, della medesima diocesi.

— Mons. Tommaso Zupan, della medesima diocesi.

5 dicembre. — Mons. Lorenzo Perosi, di Roma.

— Mons. Domenico Gobetto, dell'archidiocesi di Torino.

— Mons. Gaetano Vitali, della diocesi di Comacchio.

— Mons. Giuseppe Ronza, dell'archidiocesi di Vercelli.

7 dicembre. — Mons. Bernardo Giuseppe Eras, della diocesi di Bois-le-Duc.

— Mons. Gian Luigi Barge, della diocesi di Como.

— Mons. Giuseppe Carughi, della medesima diocesi.

— Mons. Giuseppe Cattaneo, della medesima diocesi.

— Mons. Giov. Battista Gianera, della medesima diocesi.

— Mons. Tommaso Verga, della medesima diocesi.

— Mons. Giuseppe Sandalgian, del patriarcato Armeno di Cilicia.

— Mons. Tommaso Novella, dell'archidiocesi di Vercelli.

— Mons. Michele Fernicola, dell'archidiocesi di Conza.

— Mons. Raffaele Acocella, della medesima archidiocesi.

— Mons. Antonio Cestone, della medesima archidiocesi.

— Mons. Gelsomino Onesti, della diocesi di Campagna.

— Mons. Lorentino Magnanini, della diocesi di Arezzo.

— Mons. Agostino Mucci, della diocesi di Arezzo.

10 dicembre. — Mons. Paolo Müller Simonis, della diocesi di Strasburgo.

— Mons. Giovanni de Marcy, della diocesi di Loreto.

— Mons. Domenico Muriana, dell'archidiocesi di Torino.

— Mons. Leopoldo Capitani, di Roma.

— Mons. Giuseppe Vincenzi, della diocesi di Como.

— Mons. Angelo Fongoli, della diocesi di Foligno.

12 dicembre. — Mons. Giovanni Ferro, del patriarcato di Venezia.

13 dicembre. — Mons. Alfonso Greco, di Roma.

14 dicembre. — Mons. Giovanni Andreucci, della diocesi di Spoleto.

16 dicembre. — Mons. Ferdinando Sandorffy, della diocesi di Alba Reale.

— Mons. Pietro Scarponi, della diocesi di Macerata.

— Mons. Paolo Pimpinella, della diocesi di Gaeta.

— Mons. Giovanni Antonio Peretti, della diocesi di Novara.

— Mons. Luigi Pattaroni, della medesima diocesi.

— Mons. Ubaldo Mannucci, di Roma.

— Mons. Giovanni Lucca.

21 dicembre. — Mons. Pietro Trucco, della diocesi di Fossano.

22 dicembre. — Mons. Giuseppe Pierleoni, della diocesi di Norcia.

22 dicembre 1914. — Mons. Andrea Damen, della diocesi di Bois-le-Duc.

— Mons. Luigi Chiodin, del patriarcato di Venezia.

— Mons. Enrico Benedetti, di Roma.

— Mons. Giorgio Terzibaschian, del patriarcato di Costantinopoli.

— Mons. Andrea Alessandrian, del medesimo patriarcato.

— Mons. Antonio Leonardi, della diocesi di Trento.

— Mons. Giuseppe Luigi Delaney, della diocesi di Albany.

23 dicembre. — Mons. Cesare Mambretti, dell'archidiocesi di Milano.

— Mons. Alessandro Marchi, della medesima archidiocesi.

25 dicembre. — Mons. Francesco Rossi Stockalper, di Roma.

— Mons. Giovanni Battista Ogno Serra, di Roma.

— Mons. Enrico Gasparri, di Roma.

— Mons. Giuseppe Bruno, di Roma.

— Mons. Raffaele Todini, della diocesi di Veroli.

— Mons. Clemente Micara, di Roma.

— Mons. Francesco Marchetti Selvaggiani, di Roma.

— Mons. Emanuele de Sarzana, di Roma.

— Mons. Giambattista Federico Vallega, di Roma.

— Mons. Filippo Cortesi, di Roma.

— Mons. Benedetto Aloisi Masella, di Roma.

— Mons. Alessendro Solari, di Roma.

— Mons. Giuseppe Apap Bologna, di Roma.

13 gennaio 1915. — Mons. Luigi Vason, del patriarcato di Venezia.

— Mons. Enrico Carusi, di Roma.

15 gennaio. — Mons. Sigismondo Gyömörey, della diocesi di Cinque Chiese.

— Mons. Francesco Virag, della medesima diocesi.

— Mons. Dionisio Mosonyi, della medesima diocesi.

— Mons. Vincenzo Maria Aceves, dell'archidiocesi di Guadalajara.

18 gennaio. — Mons. Pietro Bonnilli, dell'archidiocesi di Spoleto.

19 gennaio. — Mons. Enrico Veijs, della diocesi di Ruremonda.

— Mons. Adolfo Šelbiký, della diocesi di Leitmeritz.

— Mons. Nazzareno Cignitti, della diocesi di Subiaco.

— Mons. Romolo Molaroni, della diocesi di Pesaro.

— Mons. Roberto Bracci, della medesima diocesi.

— Mons. Achille Carletti, della medesima diocesi.

*Camerieri d'onore in abito paonazzo di S. S.:*

7 novembre 1914. — Mons. Giovanni Peiffer, dell'archidiocesi di Colonia.

18 novembre. — Mons. Paolo Csucsay, della diocesi di Veszprimia.

— Mons. Ludovico Ludovici, dell'archidiocesi di Camerino.

— Mons. Giulio Chauffat, della diocesi di Losanna e Ginevra.

— Mons. Emidio Tagnozzi, della diocesi di S. Miniato.

— Mons. Luigi Morelli, dell'archidiocesi di Brindisi.



- 21 novembre 1914. — Mons. Andrea Kriston, dell'archidiocesi di Agria.
- 23 novembre. — Mons. Aureliano Schiavone, della diocesi di Larino.  
— Mons. Rocco Stuparich, della diocesi di Veglia.  
— Mons. Giuseppe Körmendy, della diocesi di Veszprimia.  
— Mons. Antonio Léránuth, della medesima diocesi.  
— Mons. Giuseppe Bontz, della medesima diocesi.  
— Mons. Stefano Fatér, della medesima diocesi.
- 25 novembre. — Mons. Calogero Licata, di Roma.
- 26 novembre. — Mons. Paolo Gladich, della diocesi di Giavarino.  
— Mons. Stefano Paár, della medesima diocesi.
- 30 novembre. — Mons. Giuseppe Arnoldo Doebeli, della diocesi di Basilea e Lugano.  
— Mons. Enrico Ludovico Keiser, della medesima diocesi.  
— Mons. Alberto Meyenberg, della medesima diocesi.  
— Mons. Ludovico Rocco Schmidlin, della diocesi di Basilea e Lugano.  
— Mons. Francesco de Segesser, della medesima diocesi.  
— Mons. Eugenio Folletête, della medesima diocesi.  
— Mons. Emilio Nünlist, della medesima diocesi.  
— Mons. Giovanni Carosi, della diocesi di Chiusi e Pienza.  
— Mons. Anacleto Cristofori, della diocesi di Città della Pieve.
- 4 dicembre. — Mons. Michele Arko, della diocesi di Lubiana.  
— Mons. Francesco Dovgan, della medesima diocesi.  
— Mons. Eugenio Lampe, della medesima diocesi.
- 5 dicembre. — Mons. Antonio Rella, di Roma.
- 7 dicembre. — Mons. Stefano Piccinelli, della diocesi di Como.  
— Mons. Alfredo Miotti, della medesima diocesi.  
— Mons. Nicola La Mattina, della diocesi di Campagna.
- 9 dicembre. — Mons. Giuseppe Antonelli, di Roma.  
— Mons. Carlo Scifoni, di Roma.  
— Mons. Aristide Gasparri, di Roma.
- 10 dicembre. — Mons. Giuseppe Hoptaetter, della diocesi di S. Ippolito.
- 16 dicembre. — Mons. Carlo Cesca.  
— Mons. Oreste Compagnucci, di Roma.  
— Mons. Felice Fortina, della diocesi di Novara.  
— Mons. Francesco Mazzarella, della diocesi di Alife.  
— Mons. Lauro Ferrari, della diocesi di Tortona.
- 22 dicembre. — Mons. Antonio Kobliha, dell'archidiocesi di Olmütz.  
— Mons. Giuseppe Svoboda, dell'archidiocesi di Brunn.  
— Mons. Giovanni Battista Donato, della diocesi di Padova.  
— Mons. Giovanni Miskgiem, del patriarcato di Costantinopoli.  
— Mons. Felice Bevilacqua, di Roma.  
— Mons. Erminio Jasoni, di Roma.
- 25 dicembre. — Mons. Francesco Stoppa Guioni, della diocesi di Albano.

25 dicembre 1914. — Mons. Pietro Biagioli, di Roma.

— Mons. Francesco Cesarini, di Roma.

— Mons. Giuseppe Temofonte, di Roma.

— Mons. Antonio Simoni, di Roma.

— Mons. Lorenzo Schioppa, di Roma.

11 gennaio 1915. — Mons. Adolfo Massimo Gomez de Faria, del patriarcato di Lisbona.

— Mons. Gioacchino De Jesus Gomes, del medesimo patriarcato.

— Mons. Giovanni Chinaglia, della diocesi di Adria.

— Mons. Nicola Rocco, segretario di nunziatura.

19 gennaio. — Mons. Alfredo Gori, dell'archidiocesi di Lucca.

*Camerieri d'onore extra Urbem di S. S.:*

9 novembre 1914. — Mons. Gioacchino Bazzanella, della diocesi di Trento.

— Mons. Luigi Rabenser, della medesima diocesi.

18 novembre. — Mons. Giorgio Simon, della diocesi di Veszprimia.

— Mons. Agostino De Razza, della diocesi di Ugento.

5 dicembre. — Mons. Francesco Paolo Grassi, della diocesi di Tricarico.

16 dicembre. — Mons. Emilio Schmitz, di Roma.

*Camerieri Segreti di Spada e Cappa soprannumerari di S. S.:*

10 novembre 1914. — Il sig. Antonio Bottero, della diocesi di Treviso.

12 novembre. — Il sig. conte Carlo Alberto Joctean, dell'archidiocesi di Torino.

— Il sig. Augusto Leone Kenny, dell'archidiocesi di Melbourne.

18 novembre. — Il sig. Tommaso Grattan Esmonde.

21 novembre. — Il sig. conte Ignazio Sangiust, dell'archid. di Cagliari.

— Il sig. conte Giacomo Masolini, dell'archidiocesi di Bologna.

— Il sig. conte Salvatore de Ciutiis, dell'archidiocesi di Napoli.

23 novembre. — Il sig. barone Adolfo de Schönberg-Thammenhain, di Dresda.

— Il sig. Alessandro de Pereira, di Dresda.

2 dicembre. — Il sig. conte Gabriele Edoardo Espierre, della diocesi di Lugano.

10 dicembre. — Il sig. Francesco Sardi dei baroni di Rivisondoli, della diocesi di Sulmona.

— Il sig. Carlo Savigny, della diocesi di Fulda.

— Il sig. Luigi Carbery Ritchie, dell'archidiocesi di Filadelfia.

12 dicembre. — Il sig. barone Cristiano de Berckheim, dell'archidiocesi di Friburgo.

16 dicembre 1914. — Il sig. Edoardo Agius, dell'archidiocesi di Westminster.

— Il sig. Carlo Guglielmo Clifford, della diocesi di Shrewsbury.

22 dicembre. — Il sig. Carlo Giacomo Scott Spedding, dell'archidiocesi di Westminster.

— Il sig. Leonardo Lindsay, della medesima archidiocesi.

— Il sig. conte Marino Saluzzi di Carigliano, dell'archidiocesi di Napoli.

9 gennaio 1915. — Il sig. Martino Bernardini, dell'archidiocesi di Lucca.

19 gennaio. — Il sig. conte Paolo Dinet, della diocesi di Moulins.

— Il sig. conte Giuseppe Carlo Moore, dell'archidiocesi di Westminster.

*Camerieri d'onore di Spada e Cappa soprannumerari di S. S.:*

5 dicembre 1914. — Il sig. Livio Carimini, di Roma.

16 dicembre. — Il sig. Giacomo Salvatori, di Roma.

22 dicembre. — Il sig. Carlo Bronzuoli, dell'archidiocesi di Firenze.

*Cappellani Segreti d'onore di S. S.:*

7 novembre 1914. — Mons. Casimiro Monti, della diocesi di Ischia.

18 novembre. — Mons. Antonio Strausz, della diocesi di Veszprimia.

— Mons. Lodovico Vegele, della medesima diocesi.

23 novembre. — Mons. Francesco Lüttor, della medesima diocesi.

7 dicembre. — Mons. Pietro Majolani, della diocesi di Como.

9 dicembre. — Mons. Domenico Facchini, di Roma.

10 dicembre. — Mons. Pietro Tosti, della diocesi di Foligno.

22 dicembre. — Mons. Bartolomeo Clementini, del patriarcato di Venezia.

19 gennaio 1915. — Mons. Armando Cavallini, dell'archidiocesi di Pisa.







# ANNUARIO PONTIFICIO per l'anno 1915 -

Edizione ufficiale. - Un vol. in 12° di pp. 760, adorno di un artistico ritratto di Sua Santità BENEDETTO XV, gloriosamente regnante. - *Legato in tela inglese rossa e taglio rosso con titolo in oro e stemma.* - Prezzo: In Roma L. 5. - In Italia (franco di posta) L. 6. - Per l'Estero (franco di posta) L. 7. - Roma, Tipografia Poliglotta Vaticana, 1915.

Dobbiamo riconoscere che la sagacia, la esattezza, la diligenza, che si scorgono a prima vista, adoperate nella compilazione e revisione di questo libro hanno superato la più prevenuta aspettazione.

La rassegna della intera gerarchia, che comprende tutto l'Episcopato Cattolico, i Vicariati, le Prefetture Ap., la Curia Romana, i Tribunali Supremi, la Prelatura di Giustizia, le Curie Generalizie degli Ordini Religiosi è riuscita di una precisione non ordinaria e di questi ultimi viene indicata anche l'epoca della rispettiva fondazione.

Alla Cappella Pontificia troviamo aggiunte note illustrative non dissimili da quelle che nell'anno scorso completarono la designazione delle cariche e dignità della Corte, le quali tanto favore incontrarono nei lettori.

Nella Famiglia di SUA SANTITÀ sono elencate tutte le nuove nomine avvenute fino ai primi giorni del mese di dicembre. Come ben si conosce, con la morte del Pontefice decadono numerose dignità della Corte e quindi vengono rinnovate dal nuovo Sovrano.

Nelle Segreterie Palatine, oltre i mutamenti avvenuti nella Segreteria di Stato, abbiamo rilevato quelli verificatisi nell'Eccell. Corpo Diplomatico fino alla presentazione delle Lettere Credenziali dei due nuovi Ministri Plenipotenziari della Gran Bretagna e della Colombia.

Nelle Amministrazioni Palatine ci sono sembrate di un particolare interesse le notizie relative alle varie istituzioni, alle quali è affidata la nobile missione d'intendere alla conservazione dei tesori artistici ed allo sviluppo della cultura intellettuale, ed in modo speciale abbiamo notato quanto vien detto della Biblioteca Vaticana e dei Musei Cristiano, Profano e Numismatico ad essa aggregati.

Nella parte relativa al Vicariato di Roma sono state indicate le date di fondazione di tutti gli istituti e collegi di educazione e di alta cultura scientifica, sia affidati al clero secolare, sia ad Ordini religiosi.

Infine si rileva la speciale cura, con la quale è stato riveduto il piccolo dizionario dei nomi latini delle sedi patriarcali, arcivescovili e vescovili di tutto il mondo: esso, redatto in parte circa quarant'anni or sono e completato nell'*Annuario* del 1913, è di somma utilità per la lettura dei documenti Pontifici e per l'uso dei dicasteri e segreterie.

Come dunque facilmente vedesi, l'*Annuario Pontificio*, così organicamente completato col metodo di rigorosa precisione, nella sua edizione ufficiale, costituisce non solo un completo manuale delle competenze e precedenza delle istituzioni ecclesiastiche ed amministrative della Santa Sede Apostolica, ma diventa sempre più una fonte storica di molto valore.

(dall'*Osservatore Romano*).

## Prelum novissime reliquit:

**MISSAE NOVISSIMAE**, a Sacra Rituum Congregatione adprobatae, in-4 (22 × 18), in charta manufacta (Fabriano) et character rubro et nigro:

**MISSAE** de Commune plurium Confessorum Pontificum L. 0,40  
— de Commune plurium Confessorum non Pontificum . F., 0,40  
— de Commune plurium Virginum . . . . . „ 0,60  
— de Commune plurium non Virginum . . . . . „ 0,60

Veneunt Romae apud Administrationem Commentarii Officialis "Acta Apostolicae Sedis", (Tipografia Poliglotta Vaticana, Roma).

## MONITUM.

### MONITUM

Omnes - qui nostrum "Acta Apostolicae Sedis", Commentarium officiale sunt pacti, quibus mense decembre 1914 nomina excidunt et denuo subnotandi voluntas est - ut quam primum subscribant rogantur, ne iisdem ullam missio pro anno 1915 fasciculorum, volumen septimum complectentium, moram patiat.

In renovanda vero subnotatione ut alteram ex fasciculorum schedulis externis mittant, vel numeros designent nomini ipsi praepositos socii iterum rogantur.

### AVVISO

Sono pregati i nostri abbonati, ai quali scade l'abbonamento col mese di dicembre 1914, e che vogliono rinnovarlo, di farlo al più presto possibile, affinché non sia loro ritardata la spedizione dei fascicoli del 1915, anno VII, volume VII.

Nel rinnovare il loro abbonamento sono pure pregati di volerci inviare la fascetta con la quale ricevono il fascicolo, ovvero ricopiare i numeri che precedono il nome.

### AVIS

Nos abonnés, dont l'abonnement finit en décembre 1914, et qui désireraient le renouveler, sont priés de le faire au plus-tôt, afin qu'il n'y ait pas de retard dans l'envoi des fascicules de 1915, VII<sup>e</sup> année, volume VII<sup>e</sup>.

On les prie à la fois de vouloir bien, en renouvelant leur abonnement, adresser la bande sous laquelle ils reçoivent les fascicules, ou recopier les numéros qui précèdent leur nom.


## **PREGHIERA prescritta da Sua Santità Benedetto XV ai cattolici del mondo intero per implo- rare da Dio la cessazione della guerra e la pace fra le Nazioni.**

Elegante pagella di 4 pagine, adorna di un somigliante ritratto di Sua Santità genuflesso in atto di preghiera (riproduzione della bella fotografia eseguita dal Pontificio stabilimento fotografico Francesco Reale di Roma), stampata su carta americana finissima.

### PREZZO:

al cento . . . . . L. 1.50

al mille . . . . . > 12.—

 La detta preghiera è stata stampata anche nelle lingue *francese, inglese, tedesca e spagnola*, e si manda a chi desidera diffonderla nei rispettivi Stati, al prezzo identico di quella in lingua italiana, e cioè: L. 1,50 al cento e L. 12 al mille.

Veneunt Romae apud Administrationem Commentarii Officialis "Acta Apostolicae Sedis", (Tipografia Poliglotta Vaticana, Roma).

